



跋

余自幼從先君子與諸長者遊



見其吮筆濡墨以韻語相唱和

心竊好之間取唐人詩極意揣

摩或一語偶合輒沾沾自喜大

都以少陵爲宗傍及諸家迨晚

年精力衰耗遂矢口而出庶幾
彷彿香山以爲詩如是足矣歲
壬寅春

息齋太傳出珥筆閒吟示余燈
下偕友龍潘子快讀數過相與
踴躍謂必如是而後可稱詩之

正鵠也蓋其言莊麗典雅溫厚
和平五七言律入少陵之髓七
言絕及古詩歌行得香山之神
又悉自胷襟流出毫無斧鑿別
具爐錘正始之音於今再睹且
少陵刻不忘君香山時思退步

惟其有之是以似之殆斯編之
謂乎瑩追愧嚮者未嘗知詩敢
曰能詩天假數年就其中沉酣
翫味衣珠斯在安事他求朕則
繇知而能斷自今日始矣

峇

康熙元年孟春小弟毛瑩謹書



金文通公詩集總目錄

吳江金之俊豈凡著

珥筆閒吟

卷之一

五言古

七言古

卷之二

五言律

七言律

卷之三

五言絕

七言絕

金文通公詩集目錄

吳江金之俊豈凡著

卷之一

珥筆閒吟

五言古詩

早還邸舍即事

耳聾自嘲

昌雨趨直

苦雨

送沈繹堂太史備兵禹州

用劉憲石韻

寒露後驟寒有感

春早入直

和憲石韻

廣太白空城雀

反太白對酒行

直幕漫興

寓竹林寺

又竹林寺卽事

送金君彩尉善化

雨餘卽事和憲石韻

蒙 恩輪直早休

七言古詩

南苑雨後看奇雲

讀太白來日大難而廣之

苦寒行

時冬至後一日

冬日行

冬月行

南苑雪後看西山

和沈石田歸燕歌

春日雪中入直

卷之二

珥筆閒吟

五言律詩

春日直舍西清

清和朔西清晚直

瀛臺曉色

瀛臺夕照

瀛臺偶就

瀛臺初夏

初夏晚直

西苑柳絮

初夏晚直喜雨

曉直初霽即事

晚直即事

南苑移直 西宮卽事

南苑移直東宮卽事

隅興

南苑雨後聞鶯志喜

南苑晚眺

閏五再直瀛臺對雨卽事

雨後同張芝庵表弟小飲話別

雨中退直

送張芝庵南歸兼寄慰兒曹

漫興四首

贈別芝菴表弟

晚直卽事

直舍散步卽事

直舍觀荷

夏日晚直卽事

退直喜晴

六月十七夜雨曉晴是日立秋

署中立秋卽事

新秋初霽夜坐

秋日直舍卽事

六月晦日署中卽事

秋夜感懷

初秋夜坐微雨卽席感賦

七夕直舍待漏候頒
宮殿告成恩詔

秋日送新安程幼洪館丈之任蘓州

直舍賜食紀恩

中元署中卽事

南苑雨夜集飲和憲石韻

南苑夜雨
是夜秋分

秋霽署中卽事

八月初九日退直卽事

八月十二日退直翫月

長安中秋望日翫月

長安中秋望後一日翫月

八月十八夜月蒙有感

中秋二十夜小坐復喜得月

八月廿六夜微雨小集

九日直舍即事

九日友人招飲即席有感

菊月夜坐有感

立冬前一日退直即事

冬日扈從南苑即事

小寒日再移直即事是夜雪

喜雪二律

冬夜直幙感懷

秋色

秋聲

秋山

秋水

秋日

秋月

秋夜

秋塞

秋圃

秋齋

雪窓漫興

齋居漫興三首

寺居雪後即事

竹林寺看歸鴉

立冬夜即事

送張聲子南還

送嚴子餐都諫給假南歸二首

哭王鐵山冢宰二首

七言律

丙申夏五再承 欽命寫像紀恩

端午瀛臺侍宴紀恩

直南苑 西宮即事

南苑喜晴

瀛臺值雨

西苑喜晴

賜蓮實紀恩

初秋雨霽禁池荷花盛開

秋日送新安程幼洪館丈之任蘓州

友人偶集小齋看菊

冬日扈從南苑卽事

冬十月從狩閱武恭紀

南苑雪齋卽事

哭王鐵山二首

集黃薛侯池亭卽席韻

酬謝憲石示詩

卷之三

珥筆閒吟

五言絕

送秋月二首

喜雪二首

庭中珠藤二樹綠葉蔭覆清陰可愛因拈綠字

得五言六絕

七言絕

七夕漫興二首

秋霽署中卽事二首

月夜看殘菊二首

送金閫沈雲賓任含山尉二首

送張聲子南還二首

送嚴子餐都諫給假南歸二首

哭王鐵山八首

送金君彩尉善化二首

假歸紀恩八首

卷之四

山居候鳴

五言古

東山阻風口占

贈陳路若

登吳代如揖山樓

幻幻居

一葉居

小丘壑

余一病十旬苦傷肺不能張大口進飯忽一日
痰氣稍清進飯如常兒輩喜甚因占古風一

首誌之

七言古

欲尋西山諸勝阻風不果漫賦志感

秋日待鶴樓卽事

待鶴樓漫興

一葉歌行

病中歌

壽傅須彌六十初度

卷之五

山居候鳴

五言律

乙巳孟冬再登觀濤閣

乙巳春西山看梅

登朝元閣

山徑

山墅

登穹隆頂望太湖

遊華山

乙巳春寓秦淮憶舊

乙巳春遊祖堂

贈嘉善孫青芝

春日秦留仙太史招飲錫山蔣樓

登莫釐峰

遊東山後

丙午西山看梅

丙午登穹窿絕頂

待鶴樓漫興二首

春日從木瀆舍舟而輿過東山渡口夜宿席園
半塘看菜花二首

附袁于令詞

丁未清和四日過西子湖

次早過十八澗理安寺

出理安寺沿江至雲棲禮蓮大師塔

自雲棲過嶺至上天竺

陽山程孟雍許我好香櫟云經霜乃老久候不
至詩以速之

贈劉子谷

贈高澹游

仲冬朔宋計庭計甫草過我閱案頭內典因出
近咏正之

仲冬四日瀾壑和尚同沈朗仲過我以新鑄諸
經便誦見貽因留茶話

贈周子行

贈張子游

病臥中聞宮清民樂之謠達于四境不禁喜躍

漫賦聊附輿頌之末二首

壽陳孔彰七十初度

感懷

無題二首

十月初九夜月皎異常翫次有省

十月初十夜再咏月明併酬雪山和尚

病中偶吟

病起偶吟

仲冬朔二日喜圓墓和尚過我

送雪山和尚暫還西山奉母

七言律

酬毛休文贈芥舟詩

中秋寓居湖舫時蒙 恩予告漫賦志感

壬寅冬十月重過席氏文輿園亭賦贈志謝

登金天立觀濤閣

登金又元四宜閣

乙巳春遊牛首

待鶴樓落照

懷天堂盆梅早開甚盛喜而賦之

咏曹溪寧壽堂牡丹三首

兄弟子姪招飲花下

偶吟二首

老病書懷二首

偶吟三首

六十年前社兄徐通甫孫維周過我齋頭適家

仲亦至讌集志喜

張鄰曾七袞大慶却逢余同社諸老及家仲識

集詩以祝之

雪山和尚將還西洞庭因入城領度牒喜盤桓

旬日

無題

祝范撫臺公祖詩二首

山公爲人所給初許牡丹竟不果令武聞之亟

以園中所有踐山公約因賦謝一律

祝督臺麻老公祖壽二首

壽郡伯郭公祖

壽湯雲洲八袞

祝范撫臺公祖壽

謝宋旣庭春秋秘稿序

卷之六

山居候鳴

五言絕

丁未初到梅莊二首

五雲洞二首

登朝元閣二首

錢家坎二首

題花谿畫八首

七言絕

看曹溪楓葉二首

春日漫興二首

詠紅梅二首

詠綠萼梅二首

詠檀香玉蝶梅

詠照水玉蝶梅

雪滿庭梅獨露紅英一點

詠雪後月夜亭梅

鏡中看庭梅

題梅花杖二首

詠懷天堂垂絲海棠四首

再詠懷天堂垂絲海棠四首

丁未春半塘看菜花四首

詠燈下牡丹二首

詠懷天堂罌粟花四首

張芝齡阻雨不至作詩嘲之

芝齡冒雨他往仍來小飲作詩獎之

咏水仙二首

咏香櫟二首

巖山公許我牡丹二本移栽取餘軒漫賦志感

二首

謝宋旣庭年譜序二首

咏懷天堂鏡中菊花四首

金文通公詩集卷之一

吳江金之俊豈凡著

珥筆閣吟

五言古詩

早還邸舍卽事

每逢下直時。烟紫西山暮。盡瘁敢言疲。恩深良可懼。獨嗟衰老身。衆病于焉聚。不料日甫移。退食爭趨

步牽馬過禁垣同人笑相顧來往驅馳間幾見日當
路入門婢僕驚穉子尤歡慕 君既賜髻賜盥沐是
先務科跣坐南窓風來不借樹何必賦長林悠然慙
吾素

耳聾自嘲

老至五衰侵自知還自慙猶憶二年前雙耳未全棄
血枯火上炎歲殊復月異籟寂本無聲雜響紛然萃
隨人開笑顏未解歡娛意車馬過門前驚雷仰天視
婢僕 口啜穉子亦來戲潦倒政事堂撫心能不愧

冒雨趨直

驚逢初伏節雲暗雨如決庭前駭浪翻門外行人涉
濕烟迷酒旗深灣沒車轍毘陰咎在臣轉貽 主憂
切珥筆何所為衰遲空蹙躄

苦雨

暗雲障曉恣急雨奔泉注衢巷倏成川馬牛爭蹇步
陰霧瀰遠天亭午常疑暮欹棟醉欲傾頽垣平可渡
雛雀天巢簷濕螢依草佳市民愁露居鄉農苦徵賦
聖主正憂勤 天心似餘怒厥咎有攸司哀庸敢

自怨

送沈繹堂太史備兵禹州 用劉憲石韻

修文兼飭武用大彰吾道九霄鸞鳳姿。驟雲奮翮早
東觀富圖書治畧無不討 聖代崇儒術惟爾才名
好貌若不勝衣腹笥甲兵老鈞州古雄藩屏翰須碩
抱軒車行至止軍民立蘇稿報最寧侯暮化成風偃
草大河日夜流助爾詩情浩政事有餘閒吟咏亦足
寶由來將相資出入咸可考茲行匪久役別緒為君
掃。

寒露後驟寒有感

寒露甫司節西風何凜冽霜信籬菊催雁響寥天徹
年衰薄重衾病久思丹訣婆婆政事堂魂夢憇巖穴
無以報君恩空自添疲茶

春早八直 和憲石韻

暮齡怯早春擁裘尚畏冷蒼茫粒雪飛四顧迷山影
咫尺承明門馬滑蹇馳騁勞攘羣動中低頭嘿自省
恨未多讀書猶岐動與靜

廣太白空城雀

文通公詩集 卷之一 五言古 三
休嘆空城雀蕭條身計促紛紛廣所營禍患于焉伏
下有羅網懸上有烏鳶逐一飽來百憂忍饑謝倉粟
高飛雖未能庶免危機速

反太白對酒行

衰遲徒蹙蹙對酒轉生愁恒憶少壯時來往醉鄉遊
銜杯徹宵旦不知春與秋荏苒數十載酡顏羞白頭
薄飲三四盞氣弱不自由酪酏既未能一醒攢百憂
安得昔賢比曠達追陶劉不如啜苦茗默坐萬慮收
往事明歷歷歲月空悠悠浩然忘醉醒卽此躡仙儔

自古千秋同暮旦何必潦倒戀糟丘

直幕漫興

十月小春候寒暖時難就暮靄與晨烟迷離失遠岫
平野廣無垠獸肥草益瘦珥筆多餘閒日送麋兔走
倦來手一編引睡如逢舊殘月帶霜明征鴻過斗宿
歲歲此直廬涓埃靡補救中夜起徬徨撫心徒自疚

寓竹林寺

有寺名竹林荒寂愜余性禪扉終日扃古佛孤燈映
鳥至亦無羣何況車馬競一僧北平來枯坐習苦行

不談教與宗三昧得無譏我非逃禪者羨彼樂清淨。

又竹林寺即事

幽棲得竹林古殿餘荒草香積半生塵松風無力掃。
梵唄鮮唱酬隣磬來樹杪昏鴉過不留一絲新月皎。
未能道心生已覺除煩惱入山何處深只在長安道。

送金君彩尉善化

余嘗備兵星沙

君向長沙去長沙僕舊諳古人有此句今恰對爾談。
山雨飛來翠江烟起處酬俗情寧狡悍稅重苦難堪。
督賦爾專司可能予民甘雖稱卑濕地不異我東南。

薄祿萱堂奉晨昏就養湛好佐雙鳧理佇膺百里擔。

雨餘即事和憲石韻

欲霽雨猶零芳菲新沐樹亂雲飛曉空濕鳥破烟度。
一望綠盈盈上林餘野趣君仁及鹿麋馴擾恣人
顧機忘人不驚至道目前寓但渾爾我形何必義皇
慕

蒙 恩輪直早休

君恩念衰老退直更番早報稱靡涓埃驅馳空潦倒。
才庸力易疲事簡神仍稿只合偃丘園寧堪濫師保。

中夜起徬徨臣心怒如擣。

七言古詩

南苑雨後看奇雲

殷雷震耳來西北。靉靄凝陰雨氣濛。清風忽至雷漸遠。東南突兀起奇峰。氛氲煙霧洪濤浴。疊嶂嶙峋千萬重。彷彿峩眉插天半。還訝五嶽盡來同。無數樓臺懸石壁。疑有虎豹踞其中。徘徊注視神飛越。奮足登躋恨莫從。須臾夕霽奇峰徙。惟見西山翠色濃。讀太白來日大難而廣之

來日大難今古同。歎往來相續如環靡端。彭天而殤壽兮。達人之大觀。高陵與深谷兮。瞬息之波瀾。將謝朱門而遊蓬萊兮。不過一枕邯鄲。抑嗽雲英而挹玉膏兮。何殊塵煮沙搏。我欲溷仙凡。忘苦樂。悠悠任運而盤桓。庶幾無去無來。無難無易。寒則衣兮。饑則餐。又奚羨夫太白之想鶴駕與鸞駢。

苦寒行 時冬至後一月

寒蕪漠漠西風隄。老樹爭雄怒濤吼。日白雲黃冷色侵。只愛紅爐不思酒。凍鳥無聲似僵舌。樞馬蕭蕭嘶。

文通公詩集 卷之一 七言古
還。咽野幄吹烟。午未生短髯。噓氣攢冰雪。豈曰無衣。
續與縑。盡失餘溫。透肌嚴。衰齡永夜難成寐。不信陽。
生一線添。

冬日行

從來愛日冬爲尙。我有直廬東郊傍。同雲曉散甫開。
簾。扶桑早已射微炎。廣陌霜痕消未盡。疎林鳥語遙。
相引寒暉。照處噓和徧。若比春陽。奚足羨。婆娑曝背。
懶擁爐。願效葵心向金烏。

冬月行

人言明月惟秋好。我謂三冬月乃寶。霧捲霜嚴光倍。
瑩。寒空萬里淨如掃。上林宿鳥凍不飛。冰河激射呈。
瑪瑙。滿目淒清景色荒。擁褐徘徊胸浩浩。

南苑雪夜看西山

用憲石韻

雪滿西山失林麓。一片白雲遙矗矗。寒曦倏上淨長。
天。漸次嶙峋帶烟簇。危梁瘦脊影參差。半似殘粧半。
初沐。羊牛下來夕照沈。疑有梨花飄暗谷。咫尺離宮。
杳難躋。擁裘恣眺迷心目。

和沈石田歸燕歌

送歸燕送歸燕。歲歲此時增。綵繡不知秋。老將安棲。依舊陽春還。故院送歸燕。送歸燕。翠幕雕欄曾繞遍。多少繁華眼底過。金風歛起歸如箭。語勞勞。目眊眊。雙飛雙宿只隨緣。社去社來期勿變。主人雖有興衰。今詎忍視之爲郵傳。一自委身于堂簷。偏值雨風而眷戀。嗟彼世態之炎涼。未終朝兮已反面。

春日雪中八直

九十未光已去半。寒威凜冽冰弗泮。同雲漠漠連山凝。飛霰滿空愁饑鷹。豈是長安花信遲。故飄瓊屑亂

梅枝只恐三農舉。趾日或妨夏麥夢。初茁恃有君德感。蒼穹依舊雨暘協。歲功惟慙潦倒古。稀年躑躅泥塗未歸田。

金文通公詩集卷之二

吳江金之俊豈凡著

珥筆閒吟

五言律詩

春日直舍西清

珥筆傍楓宸來尋上苑春波明白鳥狎柳嫩絳臺新
撫景承 恩渥憂時負罪頻逡巡糜歲月空自憶垂

綸

清和朔西清晚直

禁苑清和節。晴光靜且妍。澄波涵碧影。遠岫吐輕煙。
目極歸鴻外。神恬落照先。還家無一事。小飲即高眠。

瀛臺曉色

曉煙浮禁苑。極望意無窮。鳥影空濛裏。人聲杳靄中。
新蒲爭柳碧。高閣帶霞紅。漸次晴光燦。疑遊閬苑宮。

瀛臺夕照

風清臺榭迥。錦繡夕陽天。遠樹迎霞立。長虹吸水眠。

徘徊思主澤。衰暮惜臣年。未有涓埃報。空隨景物

遷

瀛臺偶就

蓬瀛初八夏。巧繪亦難圖。蚤暮烟霞幻。陰晴翠靄殊。
身雖依殿陛。意已足江湖。只愧衰庸甚。無能翊廟

謨

瀛臺初夏

禁城初夏節。物候正繁華。柳絮隨風亂。遊絲映日斜。
魚依新藻渚。燕入舊巢家。為惜桑榆景。良辰莫再賒。

初夏晚直

隨行消永晝。獨眺暮霞天。波靜閒鷗意。風輕宿柳煙。
微茫人影亂。雜沓馬蹄還。穉子迎門立。牽衣勸醉眠。
西苑柳絮

禁苑柳陰叢。行人舞絮中。飄颺時戲蝶。繚亂不因風。
徑草增顏碧。瓊樓度影空。斜陽如有意。點點綴輕紅。

初夏晚直喜雨

西清退直時。膏雨正淋漓。碧柳爭新沐。昏鴉覓故枝。
格天昭主聖。潤物慶民嬉。不覺歸途濶。惟占二麥

宜

曉直初霽即事

四野甘霖足。蓬瀛曉霽初。新蒲擁翠至。細草帶烟舒。
渚漲蛙聲潤。山明鳥路疎。婆娑空署尾。無異老樵漁。

晚直即事

霽霽西山紫。離宮欲暮時。風輕疎柳眼。水湛靜鷗思。
爽氣涼衣袂。霞光盪酒旗。到家方落日。伸紙續殘詩。

南苑移直 西宮即事

移直親行輦。西山爽氣迎。塵稀綠土潤。樹遠覺風輕。

獨鳥天邊至。奇雲野外生。不須窮眼力。自足曠心情。

南苑移直 東宮卽事

夏日重移直。君恩賜綠陰。長林攢影厚。密葉貯涼襟。
深引睡。憑書卷。消愁藉咏吟。隨行署尾外。風至卽披襟。

偶興

性拙懶逢迎。欣隨護蹕行。直廬饒野意。老樹動閒情。
好句同人贈。清風獨坐生。漫言泉壑趣。卽此謝塵撻。
南苑雨後聞鶯志喜

年衰睡未足。枝上曉鶯啼。絮絮吹鄉夢。聲聲喚客迷。
新禾舍雨潤。遠岫帶烟低。四野甘霖徧。懽情物亦齊。
南苑晚眺

微雨初收後。西山翠靄中。濃陰環野碧。殘照一絲紅。
樹老生秋氣。年衰怯晚風。平原日盡處。惆悵意何窮。
閏五再直瀛臺對雨卽事

再直西清舍。重逢夏五時。繁雲迷苑柳。密雨響荷池。
水澗層臺遠。天低濕鳥遲。頻驚移物候。倍愴暮年思。
雨夜同張芝菴表弟小飲話別

本是棠花侶。萍逢旅舍中。鄉思縈夢異。客緒憶歸同。暗雨窓前急。清樽燭下紅。莫辭良夜醉。欲別又西東。

雨中退直

甘霖聞已遍。未息蛟龍戰。竟日暗重雲。連宵驚疾電。烟凝失遠山。草濕低新燕。衰老怯歸鞭。深泥馬足濺。

送張芝菴南歸兼寄慰兒曹

雨歇來明月。樽前話別時。離情鍾老景。酒語惹鄉思。後晤應非遠。今宵未敢期。君恩端的重。衰病許陳

辭

漫興

西清趨直久。來往晤青山。信足蒼烟遶。迎眸碧水環。年衰耽一枕。才拙有餘閒。只爲君恩重。無詞謝鈍

頑

其二

轉曉韶光換。低頭憶草堂。誰知黃閣暇。不似白雲忙。閉戶山猶淺。臨流暑亦涼。林泉歸未得。靜裏且徜徉。

其三

每出逐朝暎。歸來帶雨痕。候門唯稚子。小飲欲黃昏。

夢裏蘊鱸味。圖中水竹村。婆婆忘歲月。恍惚到家園。
其四

暮雲來細雨。仰視忽青天。捲幔迎風入。移牀借月眠。
有心清客夢。無計了塵緣。侵曉驚趨直。盈眸紫禁烟。

贈別芝菴表弟

天涯惟表弟。記得少陵詩。旅况余經慣。親情爾自知。
昨來將歲暮。今去近秋時。不盡離亭緒。蕭蕭匹馬遲。

晚直郎事

直舍寧辭晚。清風禁苑過。荷喧香氣靜。日落鳥聲多。

畫楫全迷徑。朱欄獨倚蘿。退思靡寸補。空自嘆蹉跎。

直舍散步郎事

禁苑清光好。霞牆綠岼明。菱荷香水氣。鷗鷺肆閒情。
白塔長虹鎖。丹臺老樹擎。同人相倚徙。競擬到蓬瀛。

直舍觀荷

上林初雨歇。香氣滿荷池。衆綠團清影。紛紅鬪艷姿。
涼生忘伏暑。興至失衰遲。所愧承恩重。終朝厚祿

糜。

夏日晚直郎事

炎暑夕陽天。荷香暖禁烟。深蘆藏浴鷺。古樹試新蟬。
坐久清風集。行遲皎月懸。婆娑忘晝永。老至興猶偏。

退直喜晴

西山盈紫翠。禁苑晚晴時。霧斂生高樹。雲歸動客思。
短垣來月早。幽砌下螢遲。聞說無妨稼。三農愜所期。

六月十七夜雨曉晴是日立秋

客中驚候改。况值病魔侵。夜雨秋聲滴。朝曦爽氣臨。
暮年愁易集。新序感彌深。夢幻浮生裏。惟慙負影衾。
署中立秋卽事

西清方日午。正是立秋時。颯颯西風至。陰陰暗雨隨。
鳴蟬因濕懶。落葉過堦遲。節換猶疑潦。豐登未易期。

新秋初霽夜坐

西山雨足收殘月。正新秋。露氣侵簾。肅螢光拂幔。流
鄉思繁。夜靜客况共。杯浮人世清。宵幾肯懷明日。謀

秋日直舍卽事

西清來爽氣。樹樹響秋聲。濕露低瑤草。輕雲拂鳳城。
蓼灘紅寂寞。蓮渚綠縱橫。日暮遙砧急。紛然動旅情。

六月晦日署中卽事

秋新將半月暑盡是今朝赤日渾忘畏西風乍欲驕
槐疎窓影碎荻老水容消節序驚駒隙家園夢轉遙

秋夜感懷

露滴黃昏候涼颺帳影侵吟蟲初試響嚴漏漸驚心
雪鬢燈前炯青山夢裏深秋宵千萬緒衰病轉難禁

初秋夜坐微雨卽席感賦

檻外秋聲急黃昏細雨時銜杯繁客緒剪燭動鄉思
蛩語喧還寂螢光暗復遲無窮蕭瑟意愁夢且吟詩
七夕直舍待漏候頒 宮殿告成恩詔

紫禁宣恩日天孫織錦期爐烟香曉霧爽氣肅彤墀
鳳閣星辰燦龍章雨露垂老臣雖蹇步寧敢惜驅馳
秋日送新安程幼洪館丈之任蘓州

崇儒昭 聖代秉鐸藉賢良優仕還從學之官却到
鄉秋光聯驛路化雨過金閭未許吳山月淹留著作
郎

直舍賜食紀恩

伴食懷慙甚蒙 恩體恤周仙厨珠粒粢雜菹衆香
浮一飯猶思報千生詎作酬旁皇衰朽意覆餗益堪

憂

中元署中即事

炎蒸秋轉熾積霧宿莓苔玉陛行雲繞龍樓急雨來
可無妨歲事但願免民災驚值中元節老懷悶未開

南苑雨夜集飲和憲石韻

蕭蕭風雨夜已屆仲秋天新月濃雲遯芳樽客緒縈
同人寬善謔孤枕耐遲眠聞道回鑾早老臣興亦

偏

南苑夜雨

是夜秋分

秋林迷遠色暮雨瀆無垠直幄宵初永離宮漏正勻
新寒清客夢薄醉擲閒身寂寞安吾素無煩慕隱淪

秋霽署中即事

雨後秋中色長空萬里清嗟峨高閣迴紫翠亂山明
新月迎殘照歸鴉遶禁城晴光消受盡無計佐昇平

八月初九日退直即事

斜暉盈直舍早月已窺簷旅雁高空沒歸雲暮嶺潛
秋光濃小飲露色冷疎簾一枕華胥近渾忘白髮添

八月十二日退直翫月

今歲中秋月。清光連夜同。遙砧殷玉宇。旅雁度寒空。
世事醜顏外。家山皓色中。人生幾邁此。况是白頭翁。

長安中秋望日翫月

皓色一何妍。今宵月正圓。西山羣壑曉。北闕萬珠懸。
客思秋光遠。鄉關桂影連。衰齡逢此夕。已足傲長年。

長安中秋望後一日翫月

望後月仍圓。連宵素魄鮮。砧聲清衆籟。露色冷高天。
小飲遲鄉夢。閒談薄世緣。坐深心亦皎。何事更逃禪。

八月十八夜月蒙有感

今宵月乍虧。却被暗雲欺。慘淡秋光失。蕭條病骨宜。
陰晴恒未料。進退貴兼知。玉漏隨砧急。浩然引我思。

中秋二十夜小坐復喜得月

玉漏聲初滴。東軒月上時。寒光淒嘹雁。素影靜高枝。
客緒清砧引。鄉心綠醴滋。秋宵偏耐老。不羨早霜欺。

八月廿六夜微雨小集

極目遙岑暗。濛濛雨足垂。風嚴秋易老。夜靜漏偏遲。
往事衰年集。鄉心故友知。不覺閒談久。蕭條薄醉宜。

九日直舍卽事

升高趨直舍。令序正重陽。鷲翮乘風健。寒雲帶日涼。
茱香盈紫陌。菊氣遶巖廊。喜傍恩光重。無煩佩紫囊。

九日友人招飲卽席有感

親朋九日逢。盡是他鄉客。玉露冷簾幙。金英輝綺席。
歡深薄醉。話劇清宵。迫歲歲。此重陽。繁然今與昔。

菊月夜坐有感

秋老堂陽後。雁孤月皎時。嚴霜欺雪鬢。殘菊耐清卮。
客緒新寒劇。詩情急漏追。衰齡當夜靜。往事不堪思。

立冬前一日退直卽事

淒風寒落日。秋盡是今朝。古樹頻辭葉。歸鴉欲蔽霄。
客心隨序冷。殘月帶霜凋。寂寞衰羸意。難堪鏡裏描。
冬日扈從南苑卽事

南苑 鑿輿駐西山。蕭隊迎晚霞。浮紫氣。歸獵競寒聲。
幕火繁星雜。林霜玉漏清。衰頽靡寸補。夢寐亦怔營。

小寒日再移直卽事是夜雪

離宮移蹕再。又是小寒時。直幄依林靜。迴颺舞雪遲。

燭花繁客夜。爐燼續鄉思。躑躅將終歲。摧頽益自知。

喜雪二律

天人相感速。主聖信能然。甫祝千箱瑞。旋敷六出妍。離宮森玉樹。廣陌徧瑤田。伴食嗟臣老。擁爐頌有年。

堯心憂歲豫。候雪表祥禎。有色逋夫白。無聲潤物宏。

山山呈王至。樹樹綴花迎。詎止三農慶。賡歌樂太平。

冬夜直幙感懷

寒宵羣動息。耿耿五更心。歲月愁中老。鄉關夢裏尋。

自知聞道淺。因悔溺緣深。永漏聲徐歇。依然絳組簪。

秋色

極目氣蕭森。遙空來遠岑。長林疎碧影。廣陌動清陰。半似春容醉。渾添客思深。秋光今古惜。尤悵暮年心。

秋聲

秋來眾籟清。八耳自相迎。病葉空庭亂。吟蟲遶砌爭。旅情砧萬戶。鄉夢漏三更。不必征鴻唳。偏饒靜裏聲。

秋山

秋至千山潔。天高萬壑幽。歸雲開鳥路。皜日析泉流。

翠靄當軒入丹楓曲磴稠寄言肥遯客此際即蓬丘

秋水

渺渺秋無際長天一鏡收金波恒助潔玉露暗添流
高雁沉疎影輕鳧泛細漚塵襟浣滌盡蘆畔隱漁舟

秋日

四望寥天淨三秋旭日升碧梧晨露滴紫岫暮霞蒸
遠目清光展幽懷爽氣澄渾忘畏與愛欲向最高憑

秋月

月明光萬里况是九秋時列宿爭韜影銀河僅露絲

盈虛饒異彩曉夕燦清姿客久兼衰暮翻然昭所思

秋夜

寒氣侵羅幌蕭蕭夜正中孤燈淒落葉永漏絮寒蛩
往事遙砧集鄉心旅雁通那堪殘夢斷淅瀝五更風

秋塞

蕭蕭邊風起秋從塞上來霜嚴寒古木日白峻荒臺
馬嘶關月影笛嘯隴雲堆老將酬恩誓塵清萬里開

秋圃

野圃盈蔬果經秋赤色多寒瓜沉蔓草老芋賽新禾

酒熟來隣叟。鋤閒發浩歌。耕漁吾弗羨。籬槿獨婆娑。

秋齋

小築貪幽徑。秋來澹遠宜。蕉窓涼雨後。菊砌早霜時。蟋蟀添吟興。蟾蜍壯酒思。不須窮域外。一室曠心期。

雪窓漫興

小築長安邸。巖居無此深。門前車馬絕。檻外雪風侵。箴俗酬圖史。怡情寄咏吟。漫言冬日短。靜極有餘陰。

齋居漫興 三首

北屋開南牖。繩牀煖氣侵。陳編來快友。午夢別塵心。

餌藥慚糜祿。篝燈懼負衾。願言辭世網。何必託高岑。

又

斗室晴光燦。朝曦上紙窓。攤書奇字出。煮茗淡烟香。

世險機關窄。心夷道味長。隣雞催暮景。意欲問壺觴。

又

勝友荒齋集。萍逢盡故鄉。論心通寤寐。問歲隔滄桑。虎阜笙簫月。燕山嘹唳霜。家園何處是。隨地任徜徉。

寺居雪後即事

欣逢初雪霽。蕭寺更相宜。靜對山光白。閒看樹影移。

饑鳥舒健翼。寒竹傲青枝。無限淒涼景。堪深道者思。

竹林寺看歸鴉

暮色西山至。寒鴉比翼時。行程殊近遠。歸計弗參差。勢似朝宗急。心驚赴闕遲。難鳴清晝事。昏夜料無欺。

立冬夜即事

三秋今夜別。客舍又初冬。月皎寒光動。風恬露氣濃。良朋酣小飲。穉子豁愁胸。一枕羲皇夢。醒來已曙鐘。

送張聲子南還

羨君天下士。溷跡來燕遊。意氣雲霄迴。才名謝陸儔。

詩書敦古道。笑語破新愁。別緒縈樽酒。春深正虎丘。

送嚴子餐都諫給假南歸

讀書東觀日。早結聖明知。抗疏承家學。掄才表勿欺。鴻名君已集。蓴膾我同思。寄語湖山主。秋深或可

期。

又

故園春正好。况荷主恩還。杼蓋丹誠著。陳情子道

全。東風催驛路。岸柳夾歸船。詩思江潮湧。應同諫草

傳。

哭王鐵山冢宰

萬丈凌雲氣。一朝石火同。鬚眉存。骸骨笑。語挾雷風。
玉案修文迫。巖廊豎業空。彼蒼難叩問。吾道信乎窮。

又

慷慨猶如昨。音容邈不留。文瀾千古息。吏績一時休。
泉夜知難免。丹心恨未酬。春光為黯淡。老淚更難收。

七言律

丙申夏五再承 欽命寫像紀恩

恩光屢自九重來。再展生綃貌猥材。媿殺凌烟功汗

血漫誇肖象。意摧頹絲絲白髮沾。君寵耿耿葵心

傍日開。只恐殘齡如草露。空餘陋影廁蓬萊。

端午瀛臺侍宴紀恩

太液池邊景色稠。天中勝節壯宸遊。清風四至催

龍楫。碧影千層遶鳳樓。率土爭懸長命縷。羣官遍飫

大庖羞若非。主澤深於海。何自凡胎醉十洲。

直南苑 西宮即事

鑾輿駐處目圍長。雨後山山翠色蒼。一望平蕪疑海

濶。千行獵騎宛龍翔。霞光倒映霓旌燦。月影遙連野

氣涼自是宸遊多勝地。獨慙伴食意徬徨。

南苑喜晴

甘霖甫洽快新晴。禁苑深林亂曉鶯。萬里長空烟霧
爭。千山繞翠碧霞盈。雨暘時若天心應。憂樂同民
主澤宏。伴食衰庸何所事。香焚午夜祝昇平。

瀛臺值雨

雲師擁隊護離宮。太液空濛雨氣中。暗柳烟深迷宿
鳥。虛堂溜激亂鳴蟲。年衰益重歸途濶。晝永翻嫌暮
色忽。聞說歡情盈畝澮。應知野老卜時豐。

西苑喜晴

風雨初收爽氣偏。綠苔猶自帶輕烟。風搖荷露繁珠
滴。魚弄荇絲細浪旋。視草餘閒思問道。忘機此地勝
逃禪。西山暮紫紛紜至。亟策歸鞭薄醉眠。

賜蓮實紀恩

日傍芙蓉載筆遊。忽驚恩渥賜蓮稠。青房綴玉真
堪羨。紫禁分甘豈易酬。冰檠盟心堅苦志。雪霜矢節
勵清修。摧頽只恐如秋葉。未答涓埃負寵優。

初秋雨霽禁池荷花盛開

上林秋色醉如春。此日繁華簇水濱。翠蓋亭亭經雨碧。紅蕖灼灼映波勻。層城匝遶團香氣。曲檻平臨挹露津。芳艷人間容易有。可能爛熳脫緇塵。

秋日送新安程幼洪館丈之任蘇州

西風颯颯送行舟。千里秋聲接虎丘。翻借蓴鱸滋宦味。不因鴻雁起鄉愁。希文義宅儀型在。安定師傳教首周。他日金閨還碩彥。主恩造就益難酬。

友人偶集小齋看菊

新寒凜冽曉霜濃。又是重陽客邸逢。白髮朝朝添旅

况黃花。歲歲老秋容。佳辰促席朋情洽。逸興浮觴古話重。漫說顏齡須菊制。只今年少亦相從。

冬日扈從南苑卽事

衰齡逐隊扈離宮。匹馬蕭蕭怯晚風。直幕參差輦路側。霓旌掩映幔城中。數聲行漏清羣籟。一片寒光肅遠空。聞道來朝冬狩舉。老臣不寐慶時隆。

冬十月從狩闕武恭紀

曉漏初傳。雕輦動。千官導引羽林翔。風旗扇翼移山足。雪鎧騰波浴日光。漫說軍容從細柳。親瞻聖

武試長楊威行萬里應無敵。佇息鯨吹莫海疆。

南苑雪齋卽事

扈蹕離宮初雪霽。衝眸曜色淨高天。無多野屋依林至。一半青山傍闕還。幕外圍寒今日甚。樽前偷暖此宵偏。生平往事衰年省。漏盡何堪夜未眠。

哭王鐵山

萍聚長安十載中。追陪讌笑每相同。樽前雄辨空今古。筆底宏詞撼岱嵩。盤錯逢君恒刃解。憂愁入腑遽摧躬。至尊聞訃深傷悼。况是知交最老翁。

又

猶憶海棠花下飲。與君拇陣鬪雌雄。君方銳壘無降志。余亦攻堅占勁風。荏苒年華如夢幻。蹉跎世事總虛空。春宵一訣岐生歎。不盡酸辛數語中。

集黃薛侯池亭卽席韻

和龔芝麓韻

長安久客竟忘歸。逆順紛紜總莫違。流俗已嗔人未擯。野鷗偏許我相依。烟村欲暮波光靜。古廟猶存世事非。何必江南春色好。楊花亦自遶簾飛。

酬謝憲石示詩

羨君詩思湧如泉。每日篇成句欲仙。俊逸清新追作者。風流儒雅自天然。枝啼好鳥添吟興。野送清風拂硯田。最是綠楊陰滿處。教人諷咏倍留連。

金文通公詩集卷之三

吳江金之俊豈凡著

珥筆閒吟

五言絕

送秋月

丙申秋長安月色無夜不佳。九月既望更瑩潔。可愛惜乎序將入冬。月已歷秋而秋且辭。

月也感歎良辰詩以送之

秋深月倍明。宿鳥銜霜語。只恐小春催。月來秋已去。

其二

月滿重陽後。冰輪徹永漏。轉瞬欲辭秋。寒光可依舊。

喜雪二絕

年豐國之寶。六出呈祥早。堆素滿平臯。青山一夜老。

其二

司天占瑞兆。尺雪斯箱表。林曉夜禽驚。兔寒鷹翮矯。

庭中珠藤二樹綠。葉蔭覆清陰。可愛因拈綠字。

得五言六絕

曉陰初映綠。碧影侵書屋。雞聲尚未已。車馬爭馳逐。

又

晨曦嬌嫩綠。滿目清光簇。趨直恨難遲。恐縻大官祿。

又

日午矜濃綠。新涼已謾謾。華胥夢醒後。自羨人天福。

又

薄暮斜陽綠。焚香竺典讀。蕭然萬慮清。肺腑辭榮祿。

又

雨後添肥綠。葉葉如新沐。披吟尊宿語。唯覺會心獨。

又

月明滋暗綠。如入深巖谷。無煩謝組簪。自信徂根宿。
七言絕

七夕漫賦二首

聞道僊期是七夕。那堪歲歲客中過。星房月帳愁離別。況復人間夢。豈何

其二

星河黯淡未分明。滿院秋蛩亂客情。漫說仙槎真遠

渡巫山雲雨或寒盟

秋霽署中卽事

淨捲氛埃餘爽氣。碧空萬里秋無際。凌霄殿閣絢晴霞。遶闕峰巒羅黛髻。

其二

署尾餘閒對落暉。暮雲冉冉欲西歸。終朝素食君恩負。空憶尊鱸心事違。

月夜看殘菊

從來晚節貴餘香。獨有黃花景色長。翠葉離披芳骨

老欣逢皓月照寒裝

其二

風霜偏耐菊花枝不逐春葩鬪艷姿勁節雖慙松與栢素心堪對月明時

送金闔沈雲賓任含山尉

善音律併書

繇來吏隱半神仙况是風流文采全漫說官卑才恨大華陽絕頂任揮絃

又

長安片月幾流連鄉夢忽隨宦興牽聞道官衙江畔

枕鱗魚五月正肥鮮

又

每向樽前挹曠懷愁城破盡暢談諧從茲筆陣煙雲湧故國江山入境佳

送張聲子南還

從來話別添惆悵此日君歸我解頤一路黃鸝啼不歇故園烟景富新詩

又

帝城春早策歸鞭正是江南艷麗天寄語山公休記

憶垂虹。楓落我應還。

送嚴子餐都諫給假南歸

長安春色恰芳菲。為送歸舟雨雪飛。放鶴亭邊應暫
憇。嚴程亟赴勿遲違。

又

羨君此去值佳辰。滿目韶光映水濱。漫說時清靡闕
事。還資獻替達楓宸。

哭王鐵山

記得相期歸去日。君來笠澤我邗溝。好追洛社耆英

會奚故寒盟赴玉樓

又

我比君年長六齡。摧頹寧似爾揚靈。祇因恃壯嬰沉
疾。老者孤存轉涕零。

又

雖登宰執播光輿。滿腹經綸尚有餘。女嫁男婚都未
畢。一朝溘露最堪歎。

又

人世浮名幻泡然。得無名盛反為愆。不如碌碌遺人

齒或者紫虛猶未宣。

又

封章纍纍著丹誠。身後主知更莫京。賻錫頻加洵異數。夜臺何以效忠貞。

又

此日哀榮道路喧。生前逆順豈須論。應知感激臣僚遍。況是銜恩到九原。

又

君本仙都採藥翁。特來苦海鍊圓通。從今坦腹掀髯

去。長嘯鴻天紫月中。

又

自知遊戲落塵緣。深悔沉淪六十年。一念迴光醒大夢。灑然不受世情牽。

送金君彩尉善化

一路江流瘠客程。烟波萬里曠心情。洞庭過盡官衙到。笋茁鱗肥足絮羹。

又

漫說官卑未稱才。琴堂佐理亦悠哉。三湘自昔饒名

勝。嶽麓山頭好句裁。

假歸紀 恩八首

每從夢裏到家山。不禁醒來淚欲潺。七疏陳情蒙報
可。扁舟亟載 主恩還。

又

長安十載送秋深。白髮黃花悵客心。徼被 恩光三
徑闕。刻期秉燭忝幽尋。

又

非為尊鱸思故鄉。只因墮墓曠蒸嘗。君王洞悉臣

情至。錫類恩濃喜欲狂。

又

伴食黃扉已六年。久宜幽黜罷歸田。何期 主聖容
臣拙。猶勒嚴程戒早旋。

又

布帆飽挂驛歸津。一路和風暖水濱。非是小春剛應
節 主恩深厚總回春。

又

人世百年猶旦暮。那堪十載一回家。若非 聖主垂

恩渥極目鄉關夢轉賒

又

蕭蕭匹馬出京畿。敢謂清風兩袖希。晝夜兼程弛警柝。舟輕似葉逐鴻飛。

又

灑淚陳情荷 主知。十年苦緒頓舒眉。銜恩更有難酬處。子送親歸誰可期。

金文通公詩集總目錄

吳江金之俊 豈凡著

山居候鳴

卷之四

五言古

七言古

卷之五

文通公詩集
五言律

七言律

卷之六

五言絕

七言絕

金文通公詩集卷之四

吳江金之俊豈凡著

山居候鳴

五言古

東山阻風口占

莫。釐。吾。舊。遊。新。知。託。縹。緲。山。靈。亦。妬。生。故。遣。石。尤。擾。
咫。尺。一。線。天。如。同。萬。里。杳。安。得。療。妬。風。輕。帆。送。短。棹。

只在晨夕間。令我心期了。

贈陳路若

世間名利客。盡向長安到。君來二十年。名利兩無好。
瓶鮮隔宿春。胸次恒浩浩。淋漓翰墨場。直接古人造。
是非付飄風。涇渭未常倒。烟霞沁肺肝。塵俗望君掃。
律已甚孤清。安貧能不做。兼具夙慧因。竺典亦探奧。
深山學道人。無忝高士號。

登吳代如揖山樓

樓居傍山葺。四時好景集。莫釐最高峰。公然排闥入。

老樹千百行。列隊峰頭立。烟靄蚤暮殊。嵐光寒暑一。
相見更相親。故人無此習。以是名揖山。儀圖真莫及。

幻幻居

浮生一幻塲。幻年七十四。幻喜併幻愁。飽歷萬端事。
覺幻仍是幻。幻網難逃避。爰作幻幻居。叅吾不幻義。

一葉居

朝市風波惡。江湖亦堪愕。我有一葉居。狎鷗兼待鶴。
逆浪把舵牢。順颿前且却。看破夢幻身。乾坤于焉擴。

小丘壑

我有小丘壑。幻身聊寄托。不羨歐陽之書錦。不數溫公之獨樂。局促人間世。出處總牽縛。順逆與悲歡。百年猶今昨。縱成九轉丹。終非不死藥。靜觀萬物理。還復自忖度。丘壑雖云小。太虛為之幕。游息于其中。碧天翔獨鶴。客問胡能爾。混沌勿敢鑿。

余一病十旬苦傷肺。不能張大口進飯。忽一日痰氣稍清。進飯如常。兒輩喜甚。因口占古風一首誌之。

憶我初育兒。猶如掌珠愛。見兒纔能飯。喜其可乳代。

我老一病餘。乃因久傷肺。脾胃雖旺健。晝夜苦痰咳。飲食每到口。痰氣輒上塞。一餐幾廢箸。吐納數十回。調養經百日。飯始納口內。兒見我飯時。勝我喜兒倍。慈孝等無二。至性堪作配。

七言古

欲尋西山諸勝阻。風不果漫賦志感

爭誇縹緲景無四。先渡東山候風色。疑從山後截流過。飽挂一帆到瞬息。可恨石尤偏我仇。怒濤日夜向東立。林屋石公在眼前。渺隔殊方不可即。始知攬勝

亦天緣聽其自然萬事畢。

秋日待鶴樓卽事

登樓逃覽最宜秋。碧岫丹楓盈兩眸。好似雲林與松
雪。更番潑墨意。綢繆曉煙常。傍朝暎湧殘。照每扶羣
塔聳。蚤暮幻態有多般。令人心曠而神悚。快哉尤是
月明逢。窮天匝地廣寒宮。疑有神仙駕鶴至。爲何久
待尚無踪。

待鶴樓漫興

憑高舒遠目。圖畫百千幅。有時淡煙抹疎林。有時濃

翠擁遙岑。俄而霧海埋鄰屋。俄而霞天獻邃谷。不知
筆意仿誰家。變化縱橫茂。以加千金買畫。迷真贗。何
如登樓一恣盼。

一葉歌行

世人爭誇陶朱公。五湖煙月西施從。霸越功勛竹帛
隆。一朝勇退著高風。惜乎財色關頭尚朦朧。數千百
載留遺踪。種竹養魚生計豐。蠡思思范二橋名恩愛濃。
君不見滄桑屢變如轉蓬。空餘湖水仍流東。何如一
葉之老翁。無榮無慮曠心胸。風來逆順付天工。一念

不生等虛空。匪直嘯傲五湖中。騰躍苦海彼岸逢。

病中歌

老病支離半月更。無心醫卜戀殘生。回頭夢幻如鏡
清。廓見前途亦坦程。身固難辭病苦。櫻糜幾心意頗
分明。水自流兮山自崢。已拚撒手向前行。誰料因緣
尚阻。迓且歌一曲樂昇平。

壽傅須彌六十初度

天挺偉人有力如虎。五經七書博綜文武。念切救時
遊戲圭組。見機明決。怡情藥圃。鄉邦儀型。碩德罕覩。

金文通公詩集卷之五

吳江金之俊豈凡著

山居候鳴

五言律

乙巳孟冬再登觀濤閣

再上觀濤閣。寒風力乍全。晴巒開野色。雪浪白高天。
出沒危孤艇。參差合晚煙。三年兩過此。儘足傲神仙。

乙巳春西山看梅

剛逢驚蟄節。攜屐到梅莊。一路酣香氣。千林鬪雪光。
迷離茅舍隱。歷亂野蜂忙。不信人間世。羅浮是故鄉。

登朝元閣

樓高羣岫俯。一望雪林平。日麗香風暖。杯浮瘦影橫。
目圍無異色。神骨欲俱清。自慶餘生後。花期必踐盟。

山徑 和韻

攜伴出西郊。羣峰競欲招。澗肥流宿雨。綠嫩插新苗。
香氣浮籬落。歡情動牧樵。停眸多幻態。雲影束山腰。

山墅

小築精藍傍。長松列隊迎。清陰涼野坐。翠色接山情。
樹果因風落。泉流借月明。浮觴忘漏促。隔戶欲雞鳴。

登穹窿頂望太湖

絕巘憑虛到。湖山極目全。千帆迷獨鳥。一水浸高天。
草樹連雲合。煙巒似髻旋。清風來暮色。巧繪莫能傳。

遊華山

曉霧失華峰。煙收覲面逢。幽林松障合。怪石蘚衣封。
遊屐穿雲過。僧厨汲水供。相看身世外。不必叩禪宗。

乙巳春寓秦淮憶舊

憶昔官儀部。秦淮日夕招。畫船絃管沸。酒社嘯吟驕。
古渡仍桃葉。今名利涉橋。滄桑我未改。能不恣逍遙。

乙巳春遊祖堂

春郊初霽後。却喜是花朝。新綠平蕪繡。亂紅曲徑邀。
僧閒來樹杪。寺古隱山腰。為問祖師意。明明遍柳條。

贈嘉善孫青芝

善植菊

樵李有奇士。翛然野鶴踪。行藏世事外。學問性情中。
三徑沉酣久。九秋咀味濃。翻疑彭澤令。未並此高風。

春日秦留仙太史招飲錫山蔣樓

傑閣臨流峙。春光入檻濃。泉聲來塔影。樹色倩山容。
簾外繁星燦。樽前古話重。良宵兼勝友。驚報五更鐘。

登莫釐峰

踏遍松篁路。莫釐已踞巔。遠帆浮浴鳥。孤嶼綴高天。
地曠三吳盡。神遊億劫前。登臨興到此。不必訪丹仙。

遊東山後

猶是此山中。隔峰迥不同。波光欺日影。岫色亂丹楓。
遠近漁舟出。參差古寺重。晴湖無道影。一覽目圍充。

丙午西山看梅

杖策梅莊外。盈眸來異光。雪山微弄影。玉樹盡含香。
往復羅浮境。依稀極樂邦。花期恒不負。自信夙根長。

丙午登穹窿絕頂

截業凌霄漢。扶筇天際遊。千山匍伏盡。一水鏡光浮。
縱目乾坤小。凝神今古悠。猶然居濁劫。舉步足丹丘。

待鶴樓漫興

食息與樓俱。靜觀頗足娛。天圍平野盡。月浸萬峰圖。
真際超生滅。浮光任有無。非耽林壑趣。吾自愛其吾。

又

雙眸一展間。眾景環而埃。旭日繡朝煙。西山蒸暮紫。
鄰花時改粧。好鳥呼朋止。無限此韶光。靜思能不喜。

春日從木瀆舍舟而輿過東山渡口夜宿席園
舟膠瀆水濱。一路踐芳塵。野屋殘梅卧。平疇嫩綠勻。
渡喧湖可狎。山近鳥來親。縱目園樓上。杏紅却半春。

半塘看菜花 有小引

春日菜花惟江南為盛。以俗尚食菜油。必需
菜子。故種植者與麥相半。每當春暮。則麥隴

繡碧菜畦鋪金。廣陌平原爛熳如錦。此大江以南一種田間春色。他處所未有也。余性愛菜花。丁未春三月。邀二三朋舊于半塘之西。擇菜花繁密處。列幃低坐。綠繞金圍。香風撲面。令人不飲自酣。不倦欲睡。夕陽斜挂。興盡乃歸。因作詩七言四絕。五言二律。聊以志喜。適吾友袁籜菴興趣更饒。復以吟詩之餘。填詞一闕。命善謳者叶以檀板紫簫雅聲。艷響動魄搖魂。真一時勝事。千載美談也。因並載

花甲初週慶祝闔戶。其祝詞曰。

羨君誕日是潮生。潮汐往來如雷轟。飽閱滄桑無斷聲。何必仰天看長庚。君聞言而笑相迎。掀髯滿引十巨觥。一時賓客會蓬瀛。爭言九如莫再贖。

侍膝前皆龍驥。茶鐺食糲迤迤隨。只望親顏一解願。

丁未清和四日過西子湖

西湖經歲別。景色倍增妍。新綠衣山翠。晴波立鷺娟。
畫船飛騎競遊女。斷橋聯。勿惜年華邁。翻誇老興偏。
次早過十八澗理安寺

湖光幻曉色。極目意蒼茫。城郭憑虛構。烟雲入畫長。
須臾幽澗響。次第繡屏張。迴合迷前徑。僧來現覺場。

出理安寺沿江至雲棲禮蓮大師塔

一出翠微城。盈盈江水生。越山羅黛髻。海氣盡澄清。

盤折平蕪路。雷轟古佛名。齋心禮塔竟。身世等飄萍。

自雲棲過嶺至上天竺

蓮臺通竺嶺。直躡五雲巔。江近層巒路。湖藏竹樹連。
千山沉翠色。萬壑繡平田。須信圓通境。應推淨上先。

陽山程孟雍許我好香櫟云經霜乃老久候不

至詩以速之

憶逢小雪後。連夕已濃霜。樹老黃金色。風飄晚節香。
相思繁病榻。望眼斷高岡。一諾非君素。云何似偶忘。

贈劉紫谷

今古丹青尚。惟君獨著英。展毫花木動。潑墨鳥禽鳴。
應是劉褒後。更標扁鵲名。多才虛若谷。相對欲神傾。

贈高澹游

畫數三吳著。惟君品格全。溫醇瑩似玉。澹遠逸如仙。
腕發溪聲響。毫舒雲影翩。洵稱精六法。范李欲齊肩。

仲冬朔宋既庭計甫草過我閱案頭內典因出

近咏正之

知已三秋濶。相逢道長時。津談世外事。欣賞法王師。
禪悅嘉賓款。詩評良晤侈。何須矜理學。端足傲羣居。

五言律
仲冬四日瀾壑和尚同沈朗仲過我以新鑄諸
經便誦見貽因留茶話

睽違龍象久空谷忽傳音撲面宗風颺微言覺海深
度人新法寶弘道浴塵襟欣遇同心友偕遊獅子林

贈周子行

領袖三吳畫鹽官周子行雲山如有意花木盡含情
摹古前人在寫今萬象成丹青稱四聖自合續君名

贈張子游

寫照稱神妙惟君莫與京拚毫傳聲咳動腕吐心情

元宋四家合南齊六法精尤欽品行卓非獨藝揚名
病卧中聞官清民樂之謠達于四境不禁喜躍

漫賦聊附輿頌之末

東南根本地全賴小民康上下清風鼓閭閻惠澤汪
忘機循帝則拍手頌官方詎幸歸田叟身居擊壤鄉

又

三吳賦稅重星火急輸征撫字催科寓小廉大法成
官清逾歲稔民樂卜時亨何必羲皇慕吾生邁太平
壽陳孔彰七十初度

我吳風雅表。品格如君火。言動古人追。肝腸白日皎。
展毫花氣蒸。潑墨禽聲姣。籬菊映桑弧。南極星尤皓。

感懷

半生淪宦海。十疏始歸田。敢傲林泉樂。欣探淨土禪。
一經聊裕後。四世繞階前。揣分時循省。慙茲薄德愆。

無題

學道多諸病。奇方佛祖全。沉空皆墮窟。著有即生纏。
三際根株拔。真如性相圓。醫王藥萬應。隨類而安痊。

又

缺陷娑婆世。周圓在自心。萬般魔障事。三毒是根因。
知足貧還富。寡營賤亦尊。本來無欠少。何必苦吟呻。
十月初九夜。月皎異常翫。次有省。

時值秋將謝。清霜助月明。星河渾失影。林木盡蕃牛。
世界冰壺浸。虛空智海擎。回光觀自性。同別總難名。
十月初十夜。再咏月明併酬。雪山和尚。

極目銀河淨。今宵月更清。高天鏡海現。大地琉璃盛。
五濁昏衢日。六通智眼明。幾回欲就枕。宿鳥定還驚。

病中偶吟

娑婆化日裏扶病亦開襟。有室藏千古無愁挂寸心。
乾坤原坦蕩世路自嵌嵌。回想歸田後彌知
主澤深。

病起偶吟

病餘殘喘貴感念欲忘眠

君賜長春日。天留既老年。簡編酣晤對。花月任留連。

肯把流光擲。負恩

君與天

仲冬朔二日喜圓墓和尚過我

欣逢華藏主。飛錫過寒齋。靜默茫無朕。縱橫機自諧。
無窮香水海。盡向寸靈排。萬億如來現。與公食息偕。

送雪山和尚暫還西山奉母

病榻周旋久。飢叨禪悅餐。商量平實義。洞啓法王門。
雲隱宣華藏。山歸報母恩。春新仍過我。傾耳聆微言。

七言律

酬毛休文贈芥舟詩

安樂何須別有窩。一心不動自無波。涓流欲傲江河。
澗。拳石還誇泰華多。七十年前如夢幻。從今以後任

婆娑但聞好鳥呼晨夕。掃盡人間煩惱魔。

中秋寓居湖舫時蒙 恩予告漫賦志感

由來世界一虛舟。我欲乘之縱所遊。簪組抽身臣志
決。湖山滿目 玉恩優。或邀明月來高枕。時帶輕烟
傍畫樓。數日船居收攝盡。漫誇少伯與留侯。

壬寅冬十月重過席氏文輿園亭賦贈志謝

卜築名山占地宜。樓臺景色與時移。昔來夏日清風
滿。今過冬初果樹滋。檻外青巒爭送媚。天邊白浪互
呈奇。流連宵旦情彌摯。還借石尤繫別思。

登金天立觀濤閣

景到山中處處妍。干霄傑閣勝尤全。蒼茫萬頃波光
射。錯落千峰黛色綿。不信凡胎居濁劫。休誇閬苑有
神仙。駢鸞駕鶴渾閒事。直欲觀濤卽了禪。

登金又元四宜閣

山居又復傍湖濱。任意樓臺自可人。時挹羣峰賓主
萃。每招疊浪吸呼勻。空濛雨色天疑隱。湛徹晴光日
倍新。景物遷流堪恣賞。何須更問武陵津。

乙巳春遊牛首

四十年前曾此遊。白雲依舊作梯留。千山匍伏鐘聲峻。匹練縈迴塔影浮。目飽滄桑惟古樹。情酣紅白獨春疇。翻思少壯多疎莽。老至偏誇逸興悠。

待鶴樓落照

寒鴉數點來天末。正是斜陽欲動時。一帶青山循次醉。半鉤新月破雲窺。炊煙似綺千林合。暝色如湖四望瀾。可惜丹青圖不盡。須臾幻滅費追思。

懷天堂盆梅早開甚盛喜而賦之

紅梅玉蝶
綠萼

西山梅信阻嚴霜。春到吾廬獨未藏。豈是東君偏着

意。應知老叟惜寒芳。枝枝艷抹迎風醉。馥馥冰肌帶月香。何必羅浮勤夢想。閉門靜對足羲皇。

咏曹溪寧壽堂牡丹

花事春來忙應接。剛逢穀雨又催詩。太平樓閣臙脂醉。映日祥雲玉兔隨。富貴推君應獨占。神僊許我亦何辭。總之到處

君恩遍。香澤滿庭心自知。

又

洛陽好種滿庭栽。盡沐

君王雨露來。翠霧迷離西子現。紅雲繚繞太真醅。曾聞潞國名園盛。敢傲裴公綠野開。自慶古稀今又五。花前爛醉復何猜。

又

恰乘春暮媚。晞陽秀出天葩絕。比方醞紫蒸霞團。氣煖輕紅暈霧染。脂香不須解。語傾城足祇覺多情點。石狂謾說看花宜。晝色醜顏恰喜傍燈光。

兄弟子姪招飲花下

一堂和鬻秩彝倫。子姓偕游富貴春。笑語喧闐紅霧

合笙歌縹緲翠圍勻。休誇優鉢天宮現。何必霓裳上死陳。最愛本支賓主洽。合歡端不負良辰。

偶吟

結廬城市近山岡。花木叢中一草堂。靜極翻嫌禽語鬧。閒來欲笑白雲忙。求仙作佛皆魔障。壽日高天顯性光。何必誅茆成大隱。息機深處妙行藏。

又

世間樂事誰稱最。惟有居今見古人。老至偏思鑽蠹簡。病餘未肯擲閒身。庭花眼底時榮落。鄰架心中日

故新莫把流光塵網絆。悠狀靜對有餘春。

老病書懷

荏苒年華擲似梭。回看往事總成虛。病軀獨愛難逢月。老眼猶貪未見書。萬境當前心不擾。一編晤對興偏餘。自嘲自解還深慶。聞道可期慎勉歟。

又

古稀又七已龍鍾。一豎忽侵痰氣攻。幸有良醫施補救。更逢珠照豁迷胸。從來多病偏宜道。今日再生恰契宗。一念回光明萬法。無窮寶藏盡相從。

偶吟

病起披閱內典滿貯香圓作供

衰年病苦怯醫攻。惟藉覺王開藥籠。撮聚團金供法寶。徧河沙界起香風。薰聞濁質疏塵海。披對琅函滌垢叢。功德由來稱鼻最。岐黃神術在其中。

又

人生百歲如駒隙。况復悲歡順逆纏。勿令塵情淤覺海。只將花事餞流年。天工與我無窮樂。合掌焚香領納全。但恐隨緣消未得。猛圖策勵好安眠。

又

汨沒洪濤深萬丈。提持全賴法中王。心明頓涸貪癡
海垢。淨時吹戒定香。彼岸到來寧借力。聳身一躍立
還鄉。須知得渡非師渡。破浪前行貴自強。

六十年前社兄徐通甫孫維周過我齋頭適家

仲亦至讌集志喜 通甫與維周皆年八十一
家仲年七十九

人生四海皆兄弟。况復芸窓淬志同。荏苒居諸週甲
子。萍緣聚散久飄風。滄桑任變貞金石。道義惟常貫
始終。更羨相逢多耄歲。絮談往事遍洪濛。

張隣曾七袞大慶却逢余同社諸老及家仲讌

集詩以祝之

白髮一堂五老全。漫稱洛社數前賢。古稀末座因年
少。耄齒踰期恰比肩。繞膝兒孫皆壯盛。盈庭笑語似
嬰孺。相看疑是蟠桃會。何必南山更頌篇。

雪山和尚將還西洞庭因入城領度牒喜盤桓

旬日

國家功令嚴遊食。例發僧符敢不遵。賴是綱司多阻
抑。翻教病叟快相親。禪光對照消塵妄。祖印高提揭
性真。無俟渡湖窮縹緲。端居一室結良因。

無題

我佛久宣微妙法。非關碧眼始來東。一聞付與拈花笑。認有別傳悉捕風。萬應周圓真寂滅。一心不亂是神通。寄言宗教休張幟。到得歸源衆派同。

祝范撫臺公祖壽

天生名世翊皇猷。久贊綸扉裕幄謀。吳地越山須控制。文經武緯借前籌。汪汪惠澤錢潮湧。赫赫聲靈島浪收。萬姓雷轟歌化日。長庚星燦祝千秋。

又

憶昔追隨機務叅。久知元老篤奇男。承明珥筆來

天眷。浙水擁旄淨海嵐。大法小廉臨吏肅。內寧外戢予民湛。君家文正流光遠。世世賡颺未易覃。

山公爲人所給初許牡丹竟不果令武聞之亟以園中所有踐山公約因賦謝一律

羨君昆玉事由衷。贈我名花心本同。山公有約寧相負。令武聞言趨變通。卽就家園捐已有。欲娛老眼補天工。春來爛醉花圍裏。難弟難兄定報功。

祝督臺麻老公祖壽

忠良 特簡旌旄動。江海澄清立可期。機密叅詳非
一日。猷爲措注總咸宜。沿邊審勢秋毫析。履畝度荒
萬姓熙。半壁軍民全怙冒。應占仁壽與天齊。

又

早結 主知叅密勿。一應專鉞屹長城。視民疾苦如
心疾。觀海機宜似火明。墨吏望風爭解綬。鯨吹息浪
快時平。壽民壽 國壽無疆何必九。如再進賡。

壽郡伯郭公祖

漢治稱優良二千。與君共理倚名賢。蘇民賦重多貧

苦。吳俗侈靡易長奸。滿袖清風甦瘠壑。片言折獄睹
青天。化城三月謳謠遍。應頌華封介壽筵。

壽湯雲洲八表

爭說長庚照古吳。文山學海巧相符。流膏花縣仁聲
洽。積德爰書正氣蘇。早脫塵羈辭組綬。晚酣樂志狎
鷗鳧。欣逢道長初添線。恰是蘭階戲綵娛。

祝范撫臺公祖壽

函關紫氣映吳山。萬姓歌呼舞綵爛。化日攸舒耕鑿
暇。海波恬息鼓鈺閒。欣逢道長初添線。佇慶陽開渥

寵綸何必三多華。祝進壽身壽。國本如環。

謝宋既庭春秋秘稿序

幼習麟經管蠡窺。南宮偶濫未探。可惟君直洞諸經。
髓尤妙全融。四傳岐羽翼。尼山新化筆。鼓吹文定翊。
昌時自慙後學迷。趨步闡發如君真我師。

金文通公詩集卷之六

吳江金之俊豈凡著

山居候鳴

五言絕

丁未初到梅莊

香連野氣浮。知是梅莊近。老樹挂斜陽。隔牆寒玉隱。

又

又通公詩集 卷之六 五言絕
一坐梅林下。沉酣香氣中。燈花兼月色。瘦影奪霞紅。

五雲洞 又名老虎洞

一望千林曙。五雲正深處。迷離香霧濃。疑有虎焉踞。

又

徘徊虎洞久。前有湖光誘。直射玉冰姿。芳輝無比偶。

登朝元閣 丁未

直入雪圍中。遊蜂四面攻。縱橫花氣合。疑被白雲封。

又

高閣舒胸臆。千林惟一色。風來雪影搖。香動烟如織。

錢家坎

探梅到此地。極目湖山萃。最勝是波光。枝枝妝鏡媚。

又

玉樹森森燦。臨流更可翫。風清。水氣香。瘦影晴湖亂。

題花谿畫

蓬戶清溪遶。山窓疊翠迎。攸然離世網。獨自棹舟行。

又

千巖萬壑裏。茆屋兩三家。綠岸移孤艇。沿流看落花。

又

又通公詩集 卷之六 山居候鳴

何代之高人。結廬萬山阿。坐觀今古織不理。是非魔。

又

短幅僅盈咫。層巒勢萬里。中有高士廬。姓名惜未紀。

又

屋後樹扶疎。窓前苔更碧。兩人相對語。欲笑乾坤窄。

又

遠近青山疊。高低樹影稠。誰言三伏暑。潑墨已新秋。

又

山勢橫天平。參差樹影亂。烟簑一老漁。鼓柁唵潭畔。

又

千古此關山。英雄氣。宛在縱君筆。所之草木亦甲鎧。

七言絕

看曹溪楓葉二首

從來秋色艷。丹楓葉葉如花鬪。亂紅獨有曹村楓。傍水錦霞天半漲。溪東。

又

村居恰爾對楓林。始信秋容醉更沉。一片霞城平野立。杳然欲入武陵深。

春日漫興

九十春光已去半。好鳥枝頭聲頻換。聲聲似唱惜春詞。况復多情如老漢。

又

九十春光雖去半。花飛蝶舞正撩亂。懷春最是白頭公。一任雨風吹不散。

詠紅梅

本是瑤天冰雪姿。不辭脂粉膩芳肌。依稀宴罷明妃後。猶帶餘醺映玉墀。

又

羅浮玉質染臙脂。偏傲雪霜逗艷姿。不是清香來瘦影。還疑誤入武陵溪。

詠綠萼梅

冰雪丰姿水月神。鉛華卸盡迥超塵。含芳未吐嬌尤甚。渾綴綠珠倍可親。

又

天然幽翠軼羣芳。點點苔痕巧樣粧。最是多情明月下。碧香一陣耀寒光。

詠檀香玉蝶梅

不隨粉蝶競時芳。一片檀心淺淡粧。紫日紅樓非所托。素馨直擬達天閭。

詠照水玉蝶梅

冰玉香肌向水濱。臨流綽約更添春。不須銀燭霓裳照。偏愛清波善寫真。

雪滿庭梅獨露紅英一點

造物愛花裝綴巧。滿鋪瓊玉枝。枝飽獨餘春色逗。嫣紅未許凡卉竊其寶。

詠雪後月夜庭梅

一望瓊林肥雪後。參差瘦影月明時。寒香逼塞虛空裏。疑是美人挈伴窺。

鏡中看庭梅

非水非月映丰神。淡抹濃粧各鬪春。我欲折之難下手。翻從影裏覩天真。

題梅花杖

余得拄杖一枝。係現成梅條。戲折為杖。及剖其皮。枝幹具足。花蕊繽紛。洵異物也。携以探

梅山中因題二絕

天生瘦骨成仙杖。信是羅浮來異像。有蕊有花韞暗香。對君便作尋春想。

又

君身本自產梅胎。何故一枝全體該。豈是多情林處士。幻成遺像掖摧頹。

咏懷天堂垂絲海棠四絕

綽約柔情無限春。却先桃李試妝新。風迴霧亂迷人意。何樣嬌姿好。比倫。

又

淡淡嫣紅染色輕。含羞隱媚自多情。休言工部無詩句。縱有詩留難寫生。

又

細瓣千重剪刻成。輕霞一片曉烟縈。不須香味添殊色。體態天然已莫京。

又

紅縷霏微烟雨天。笑嚬嗔喜冶容全。還疑睡起嬌無力。應是春風亦動憐。

再咏懷天堂垂絲海棠四絕

霏霏紅霧暈柔絲。約素腰肢不自持。最是惹人流盼處。輕風一陣夕陽時。

又

柔紅裊裊映蒼苔。費盡春工細剪裁。日落烟橫新月到。百千嬌態一時來。

又

弱縷輕烟淺淡紅。薄施朱粉醉春容。東風着意纖腰媚。渾是鞦韆舞未終。

又

一隊柔枝傍石栽。雲根霞氣互縈迴。應知情到纏綿處。花能解語石無猜。

丁未春半塘看菜花四絕

撲面香風來廣陌。黃金遍地為之席。只因身坐畫圖中。自繪不能徒自懌。

又

淺碧深黃平野繡。春和正是清明後。高低林屋傍山來。遠近鶯聲循次奏。

又

錦茵四地黃金燦惹得遊蜂趁蝶亂最是風來送野
香催人痛飲千憂散

又

草香花暖渾如醉獨有青山醒未睡一片晴烟動夕
暉晚來更覺韶光媚

咏燈下牡丹二絕

沉香亭畔弄嬌姿正是倚欄薄醉時無數銀燈粧鏡
列含情不語寄人思

又

艷質凝香向晚濃層層紅暈賦芳容燈光灼爍尤堪
翫瓊島飛來此夕逢

咏懷天堂罌粟花四絕

春歸無賴恣顛狂變化花容巧樣粧五色縱橫隨意
染化工到處費施張

又

御米花開初夏節錦霞千片朱欄列又疑飄雪亂春
光回首春光難比絮

又

銷愁幸見米囊花。幻質偏工闔麗華。紫萼紅英兼玉
蕊。鎔成一色煥晴霞。

又

清和猶駐滿園春。白媚千妍弄色新。最是暄風搖夕
照。參差動盪艷無倫。

張芝齡阻雨不至作詩嘲之

甘霖一夜慶滂沱。聞說老農亦醉歌。獨繫追風千里
足。閉門長嘆命如何。

芝齡冒雨他往仍來小飲作詩獎之

方嗟咫尺阻關河。詎料神行慣戲波。踏遍街衢靡錯
趾。相看惟有笑顏酡。

咏水仙

玉質金相雪作胎。翠帷簇簇護香腮。生成不受纖塵
滓。好似瀟妃戴月來。

又

天生冷艷謝時粧。最喜清流浴日光。何等仙胎成異
卉。羅浮深處共行藏。

咏香櫟 有小引

歲已酉秋九月。適余病起無聊。偶思世間花香最多。獨果實之香者絕少。南方惟香圓佛手木瓜三種為香。而清幽澹遠。香圓尤勝。余因購得數百枚。滿貯一斗室中。每日鍵戶靜對。酣我鼻孔。當紅日射窗。覺香氣亦溫煦。值皓月浸庭。覺香氣亦清冷。或時而展卷。則點畫皆含香。欲溢。或時而假寐。則喘息亦吐納香中。一生未有此樂也。獨古人詩詞未見咏

及香圓者。不知何故。余是以叔咏二絕聊補其缺畧。恨未工爾。

羨君結果孕奇芳。不逐羣葩鬪艷陽。秋老霜濃清氣馥。怡逢三徑吐衷腸。

又

橘綠橙黃爭靚妝。獨君正色表秋陽。偏宜夜靜書幃繞。伴我三冬臭味長。

嚴山公許我牡丹二本。移栽取餘軒。漫賦志感洛陽好種。蒙君惠壯我階前。富貴茵遙計。明年穀雨。

又通公詩集卷之
候滿庭香艷醉餘春

又

縱有黃金慨贈遺。翻教病叟費籌。蹀爭如雙本玉樓。贈貧兒暴富亦安舒。

謝宋旣庭年譜序

閃電流光寒暑積。深慙耄齒尙無聞。撫今追往如臨鏡。妍媸狀態却紛紜。

又

蒙君愛我掩瑕疵。欲以棟樑腐草移。爭奈自知恒泚

筆流年空餞汗淋漓。

詠懷天堂鏡中菊花四絕

休言寂寞是秋英。占盡春花貴巧名。西子太真香艷競。須臨粧鏡更分明。

晚節馨香最可親。秋容老盡轉生春。千枝萬朵光明藏。照見東籬幾古今。

三徑宛然未易親。九秋欲老色彌新。不知陶令銜杯賞。曾否端詳影裏神。

冷艷幽姿入照奇。盈眸靜氣動人思。晨昏粧次窮偷

比最。是寒香。逼塞時。

全文通公詩集卷之六終

